



ALKATETZA DEKRETUA 496/2017,  
2017ko abenduaren 5koa

IORITZ IMAZ BAZTARRIKA jaunak, Idiazabalgo Alkate udalburuak, apirilaren 7ko Toki Erakundeetako 2/2016 Legearen 25.7 artikulua eta Toki Araubidearen Oinarriak arautzen dituen apirilaren 2ko 7/1985 Legearen 21. artikuluan xedatutakoaren arabera,

**IKUSIRIK**

Idiazabalgo Udaleko Alkate-udalburuak egindako kontratazio proposamenean, Idiazabalgo Gurutze berri auzoko urbanizazioa berritzeko exekuzio proiektua idazteko, eta, hala badagokio, lanen zuzendaritza fakultatiboa eramateko zerbitzuen kontratatazio espedientea hastea proposatu du. Hona hemen kontratazio-proposamenaren datuak:

**Unitate sustatzailea:** Alkate-tza: Hirigintza

**Kontratu mota:** Zerbitzua, Sektore Publikoko Kontratuen Legearen Testu Bateratua onartzen duen azaroaren 14ko 3/2011 Errege Dekretu Legegilearen 10. artikuluan xedaturikoa.

**Kontratuaren xedea:** Exekuzio proiektua idaztea eta, hala badagokio, lanen zuzendaritza fakultatiboa eramatea

**Epea:** 4 hilabete

**Kontratatari ordaintzeko prezioa:**

-Lizitaziorako oinarritzko aurrekontua: 79.000,00 €; horietatik 65.289,26 € printzipalari eta 13.710,74 € % 21eko BEZari.

**Kontratuaren balioetsitako prezioa:** 65.289,26 € da (%21eko BEZ-a kanpo)

**Loteak:** Ez

**Luzapena:** Ez

**Aldaketak:** Bai: Zuzendaritza tekniko esleitzeko orduan, baldintza gisa ezarriko da onartutako proiektua oinarritzat hartuta dagokion obra-kontratua esleitzea, eta aldi berean, kreditu nahikoa eta egokia edukitzea dagokion aurrekontu ekitaldian kontratuko betebeharrak finantzatzeko. Zuzendaritza teknikoaren zenbatekoa %25ekoa da (19.750 €, %21eko BEZ barne)

**Aurrekontu izendapena:** 1.629.01.151.00

**Esleitze jardunbidea:** Prozedura irekia; eskaintzak ekonomikoki onurarik handiena duena, esleitzeko hainbat irizpide.

**Izapidea:** Arrunta

**AINTZAT HARTURIK**

**Lehengoa. Eskumena.**

Azaroaren 14ko Sektore Publikoko Kontratuen 3/2011 Legearen Testu Bateratua onartzen duen Legegintzako Errege Dekretuaren II. Xedapen Gehigarriaren 1. atalean xedaturikoari jarraituz, zerbitzu, hornikuntza, kontratu pribatu edo kontratu berezietako kontratazio-espeditietan kontratazio organoa izatea Alkate-Lehendakariari dagokio, kontratazioaren aurrekontuko baliabide arruntan %10a gainditzen ez dutenean, eta, dena den, 6.000.00€-ko diru kopurua mugatuz(...)

**Bigarrena. Araubidea.**

-2014/24/EB Direktiba, otsailaren 26koa, Europako Legebiltzarrarena eta Kontseiluarena, kontratazio publikoari buruzkoa, 2004/18/EE Direktiba indargabetzen duena (aurrerantzean "Kontratuen Direktiba").

-2014/23/EB Direktiba, otsailaren 26koa, Europako Parlamentuarena eta Kontseiluarena, emakiden kontratuak esleitzeko (aurrerantzean "Emakiden Direktiba").

-Sektore Publikoko Kontratuen Testu Bateratua onartzen duen azaroaren 14ko 3/2011 Legegintzako Errege Dekretua

# Idiazabalgo Udala

( GIPUZKOA )



A) Kontratazio espedientea: Sektore Publikoko Kontratuen Legearen Testu Bateratua onartzen duen azaroaren 14ko 3/2011 Errege Dekretu Legegilearen 109. xedatzen duenez, esleipen-jardunbidea osatzen duten izapideak hasi baino lehen, kontratazio-espedientea egin behar da. Espedientea Lege horren 109. artikuluan ezarritakoaren arabera egin da eta 110.1 artikulua xedatzen duenaren arabera onartu beharko da, esleipen-jardunbideari hasiera emanez.

Espedientea aztertu ondoren, honako dokumentuok dituela egiaztatu da:

- Espedienteari hasiera emateko proposamena
- Idazkari Kontu-hartzailearen txostenak, kreditu-izaera eta legezketasuna egiaztatzen dituztenak
- Administrazio-Baldintza Zehatzen Agiria eta Preskripzio Teknikoen Orria.

Sektore Publikoko Kontratuen Legearen Testu Bateratua onartzen duen azaroaren 14ko 3/2011 Legegintzako Errege Dekretuaren 109. xedatzen duenez, esleipen-jardunbidea osatzen duten izapideak hasi baino lehen, kontratazio-espedientea egin behar da. Espedientea Lege horren 109. artikuluan ezarritakoaren arabera egin da eta 110.1 artikulua xedatzen duenaren arabera onartu beharko da, esleipen-jardunbideari hasiera emanez.

B) Kontratuaren izaera: Kontratu honek administrazio-izaera du, zerbitzuko hitzarmena hain zuzen, Sektore Publikoko Kontratuen Legearen Testu Bateratua onartzen duen azaroaren 14ko 3/2011 Legegintzako Errege Dekretuaren 10. artikuluan xedaturikoaren arabera.

C) Espediente mota: Sektore Publikoko Kontratuen Legearen Testu Bateratua onartzen duen azaroaren 14ko 3/2011 Legegintzako Errege Dekretuaren 109, 110, 112 eta 113 artikuluetan xedatu denez, kontratazio-espedienteak hiru eratakoak izan daitezke, hain zuzen, arruntak edo ohikoak, presazkoak eta larrialdietakoak. Presazkoak, 112. artikuluan arautzen dira honakoaren arabera: “geroraezinak edo, herri-onuraren arazoienatik, lehenbailehen esleitu beharrekoak diren kontratuen espedienteak presaz tramitatu ahal izango dira. Horretarako, espedienteak presa adierazpena eduki beharko du, kontratazio organoak eginda eta behar bezala arazoituta.” Halaber, presakotzat jotzeak legean zehaztutako lehentasun ondorioak eta epeen murrizketa dakartza.

Larrialdietakoak aldiz, 113. artikuluan arautzen dira, ondorengoaren arabera: “ hondamen gertaeretan, arrisku handia eragiten duten egoeretan edota nazio-defentsari eragiten dien beharrei erantzuteko, Administrazioak berehala erantzun behar izaten duen kasuetan...”

Kasu honetan, kontratazio-espediente hau tramitazio arruntaren bidez izapidetuko da, kontratu honen unitate sustatzaileak adierazitakoarekin bat etorriz.

D) Esleipena egiteko jardunbidea eta modua:

Sektore Publikoko Kontratuen Legearen Testu Bateratua onartzen duen azaroaren 14ko 3/2011 Legegintzako Errege Dekretuak jasotako esleipenerako jardunbide eta moduak ezarriko zaizkio; hain zuzen ere, 138.2 artikulua xedatzen dituenak. Artikulu horrek honela dio: “La adjudicación se realizará, ordinariamente, utilizando el **procedimiento abierto** o el procedimiento restringido...”.

Horiek horrela, eta kontratu honen organo eskudunaren erabakiaren kalterik gabe, bidezkoa da espediente honetan jardunbide irekia erabiltzea, Sektore Publikoko Kontratuen Legearen Testu Bateratua onartzen duen azaroaren 14ko 3/2011 Legegintzako Errege Dekretuaren 157. artikuluan eta ondorengoetan aurreikusitakoari jarraiki.

Bestalde, kontratuaren ezaugarriak kontutan izanik, esleipena irizpide bat baino gehiago erabiliz egitea proposatzen da, Administrazio Baldintza Zehatzen Agiriaren 13. klausulan zehazturiko irizpideen



arabera hain zuzen ere, Sektore Publikoko Kontratuen Legearen Testu Bateratua onartzen duen azaroaren 14ko 3/2011 Legegintzako Errege Dekretuaren 150. artikulua aurreikusitakoa betez.

E) Administrazio Baldintza Zehatzen Agiria eta Preskripzio Teknikoen Orria: Kontratazio-espeditarekin batera, kontratu hau araupetzeko proposatu den Administrazio Baldintza Zehatzen Agiria eta Preskripzio Teknikoen Orria aztertu dira, Sektore Publikoko Kontratuen Legearen Testu Bateratua onartzen duen azaroaren 14ko 3/2011 Legegintzako Errege Dekretuaren 115. eta 116. artikuluetan eta Herri Administrazioen Kontratuen Legearen Araudi Orokorra arautzen duen urriaren 12ko 1098/2001 Errege Dekretuaren 67. eta 68. artikuluetan ezarritakoa kontutan harturik, araututako xedapenekin bat datorrela egiaztatu delarik.

Aipatu Baldintza Orrian, proposamenak balioesteko irizpide ekonomiko eta teknikoak arautu dira, Sektore Publikoko Kontratuen Legearen Testu Bateratua onartzen duen azaroaren 14ko 3/2011 Legegintzako Errege Dekretuaren 150. artikuluan xedatutakoaren arabera.

F) Ez dago langileen subrogaziorik: Lehen ez zegoen kontrataziorik.

Horrenbestez,

#### **EBAZTEN DUT:**

**LEHENGOA.** Idiazabalgo Gurutze berri auzoko urbanizazioa berritzeko exekuzio proiektua idazteko, eta, hala badagokio, lanen zuzendaritza fakultatiboa eramateko zerbitzuen kontratazio-espeditatea hastea, jardunbide ireki eta izapide arruntak erabiliz.

**BIGARRENA.** 79.000 €ko gastua onartzea; horietatik, 65.289,26 € printzipalari eta 13.710,74 € % 21eko BEZari dagozkie, honako aurrekontu izendapen honen lepotik: 1.629.01.151.00. Zuzendaritza teknikoa esleitzeko orduan, baldintza gisa ezarriko da onartutako proiektua oinarritzat hartuta dagokion obra-kontratua esleitzea, eta aldi berean, kreditu nahikoa eta egokia edukitzea dagokion aurrekontu ekitaldian kontratuko betebeharrak finantzatzeko.

Obren zuzendaritza fakultatiboari dagokion gastuaren kontrol edo fiskalizazioa egingo da dagokion aurrekontu aplikazioan kreditua gaitu ostean eta obren kontratua esleitu ostean. Ordura arte ez da inolako eskubiderik sortuko proiektua idatzi duen inoren alde.

Edonola ere, proiektua entregatu zenetik lau urte igarotzen badira, eta entitate kontratatzaileak ez badu obra-kontratua lizitatzea adostu, zuzendaritza teknikoa automatikoki deseginda geratuko da, eta esleipendunak ez du kalteordainik jasotzeko eskubiderik izango.

**HIRUGARRENA.** Kontratua gauzatzeko erabiliko diren Administrazio Baldintza Zehatzen Agiria eta Preskripzio Teknikoen Orria onartzea.

**LAUGARRENA.** Kontratazio-jardunbideari hasiera ematea eta dagokion iragarkia Gipuzkoako Aldizkari Ofizialean eta kontratugilearen profilean argitaratzea, lizitatzailerik euren proposamenak 15 egun naturaleko epean aurkez ditzaten, iragarkia Gipuzkoako Aldizkari Ofizialean argitaratzen den biharamunetik zenbatzen hasita.

**BOSGARRENA.** Udalbatzari horren berri ematea, egingo duen lehengo bilkuran.

**SEIGARRENA.** Ebazpen honen berri Kontabilitate unitateari ematea.

**Idiazabalgo Udala**  
(GIPUZKOA)



*Erabaki honek administrazio-bidea amaitzen du.*

**ALKATE UDALBURUAK**  
Ioritz Imaz Baztarrika



Nire aurrean,  
**IDAZK KONTU HARTZAILEAK**  
Isabel Fuertes Matxin